



Ken Petter Skorge-Kristiansen  
Møhlenprisbakken 2  
5007 BERGEN

Referanser:  
Dykkar:  
Vår: 23/797 - 23/10848

Saksbehandlar:  
Hogne Askeland  
hogne.askeland@alver.kommune.no

Dato:  
20.02.2023

## Løyve til utslepp av avløpsvatn - Minirenseanlegg - gbnr 111/11 Skårnes

<b>Administrativt vedtak:</b>	<b>Saknr: 142/23</b>
<b>Byggestad:</b>	Gbnr: 111/11
<b>Tiltakshavar:</b>	Ken Petter Skorge-Kristiansen
<b>Ansvarleg søkjar:</b>	Lindås Vvs Nils Trøeland As
<b>Søknadstype:</b>	Forureiningslova § 11, jf. forureiningsforskrifta § 12-3

### VEDTAK

Det vert gjeve utsleppsløyve for fritidsbustad på gbnr. 111/11 Skårnes på følgjande vilkår:

1. Det skal monterast tilstrekkeleg dimensjonert typegodkjent minirenseanlegg i reinseklasse A med slamtørke. Restutsleppet frå minirenseanlegget skal førast i eksisterande tett leidning til sjø som omsøkt og vist på kart.
2. Utsleppet frå eigedomen vert gitt for 5 pe.
3. Det skal til ein kvar tid liggja føre gyldig serviceavtale om drift og vedlikehald av anlegget.
4. Utsleppet skal til ei kvar tid tilfredsstilla krav i Forskrift om begrensning av forurensing, §§ 12-7 til 12-13.
5. Eigedomen skal knytast til offentleg godkjend avlaupsleidning eller anna felleisleidning dersom slike vert ført fram til området og kommunen set krav om det.
6. Tiltaket er søknadspiktig etter Plan- og bygningslova. Søknad om løyve til tiltak må sendast inn av kvalifisert føretak og godkjennast før arbeidet kan setjast i gang.
7. Før avløpsanlegget takast i bruk må det liggje føre stadfesting frå montør, serviceavtale for drift og vedlikehald og koordinatar for plassering av anlegget.

Vedtaket er heimla i forureiningslova § 11, forureiningsforskrifta § 12-5.

## SAKSUTGREIING

### Tiltak

Saka gjeld søknad om utsleppsløyve for fritidsbustad på gbnr. 111/11 Skårnes.

I søknaden er det opplyst at utsleppet frå eigedommen skal reinsast i biologisk/kjemisk minireinseanlegg av typen Biovac FD 5 MG med slamtørke før utsleppet vert ført vidare ut i eksisterande tett leidning ut i sjø.

Storleiken til utsleppet er opplyst til 5 pe.

Det vert elles vist til søknad mottatt 25.01.2023 og supplert 17.02.2023.

### Planstatus

Eigedomen ligg i uregulert område innanfor det som i kommuneplanen sin arealdel er definert som LNF-område.

Eigedomen ligg innanfor Lurefjorden og Lindåsosane marine verneområde.

### Dispensasjon

Statsforvaltaren i Vestland har den 06.12.2022 fatta følgjande dispensasjonsvedtak:

Løyve til tiltaket vert såleis gjeve på følgjande vilkår:

1. Sanert leidning og andre delar knytt til denne skal fjernast frå området og leverast til godkjent mottak.
2. Tiltaket må vere godkjent av Alver kommune og vilkår som kommunen har sett etter forureiningslova skal følgjast. Lurefjorden og Lindåsosane er frå naturens side ein dårleg resipient, og utsleppskrav etter forureiningsregelverket må vere i samsvar med dette.
3. Miljøforsvarlege teknikkar må nyttast ved utføring av tiltaket, i slik grad at § 12 i naturmangfaldlova vert innfridd.

### Uttale frå anna styresmakt

Alver kommune har vurdert om saka må sendast på høyring og finn at det ikkje er særlege forhold i denne saka som inneber at saka må sendast på høyring.

### Plassering

Plassering og utsleppsstad er vist i kart datert 04.10.2022.

### Nabovarsel

Tiltaket er ikkje nabovarsla.

### Reinseløysing

Utsleppet skal reinsast i biologisk/kjemisk reinseanlegg av typen Biovac FD 5 MG med slamtørke. Anlegget er godkjend etter NS-EN 12566-3. Anlegget støttar reinsekrava for utsleppsstad i følsamt og normalt område med brukarinteresser, jf. forureiningsforskrifta § 12-8.

### Drift og vedlikehald

Det er eit vilkår for utsleppsløyvet at anleggseigar inngår serviceavtale om drift og vedlikehald av anlegget, jf. forureiningsforskriften § 12-13 2.ledd.

Serviceavtale ligg ikkje føre.

## **Privatrettslege tilhøve**

Avløpsanlegget og slamtørke er plassert på eigen eigedom gbnr. 111/11 Skårnes.

## **KOMMUNENS VURDERING AV SØKNADEN**

Det er ikkje offentleg kloakkanlegg i området.

Søknaden om utleppsløyve kan etter kommunen si vurdering godkjennast når det vert sett krav til reinsing av utleppet i biologisk/kjemisk reinseanlegg med utlepp i tett leidning til sjø.

## **Godkjenning etter andre lovverk**

Før arbeidet med etablering av anlegget kan setjast i verk må det søkjast om løyve til tiltak etter plan- og bygningslova. Både søknadsprosess og utføring må takast i vare av eit kvalifisert føretak som kan godkjennast som ansvarshavande innafor ansvarsområdet ansvarleg søker, ansvarleg prosjekterande og ansvarleg utførande.

## **Plassering**

Tiltaket vert godkjent plassert slik det går fram av situasjonsplan datert 04.10.2022.

## **Nabovarsling**

Tiltaket er ikkje nabovarsla. Alver kommune legg til grunn at det kan gjevast fritak for nabovarsling i denne søknaden.

Reinseanlegget vert plassert innadørs og eksisterande avløpsleidning vert nytta. Det er kommunens vurdering at dette tiltaket ikkje rårar nabo i noko grad.

## **GENERELL INFORMASJON**

### **Mynde til å gjere vedtak i saka**

Saka er handsama og avgjort administrativt i medhald av delegert mynde, jf. kommunelova § 5-3, 3.ledd og gjeldande delegasjonsreglement.

### **Du kan klage på dette vedtaket**

Enkeltvedtak fatta i medhald av forureiningsforskrifta kapittel 12 kan klagast på til kommunestyret eller særskilt klagenemnd, jf. [forurensningsloven § 85](#) 2.ledd og forureiningsforskrifta § 12-15. For enkeltvedtak fatta av kommunestyret er Statsforvaltaren klageinstans.

Enkeltvedtak fatta i medhald av forureiningsforskrifta kapittel 13 kan klagast på til Statsforvaltaren, jf. forureiningslova § 85 2.ledd og forureiningsforskrifta § 41-5

Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klagt på i vedtaket, og kva endringar ein ønskjer. Klagen skal grunngjevast. Før det kan reisast søksmål om vedtaket er gyldig eller krav om erstatning, må høvet til å klaga på vedtaket vera nytta fullt ut, jf. fvl. § 27b.

### **Anlegget er ditt ansvar**

Anleggseigar er ansvarleg for at alt arbeid følgjer føresegner gjeve i eller i medhald av forureiningslova og plan- og bygningslova. Om søknaden er i strid med offentlege føresegner, gjeld føresegnene før løyvet. Vedtak etter forureiningslova inneber ikkje avgjerd i privatrettslege tilhøve.

### **Du må sette i gang innan tre år**

Er arbeidet med etablering av avløpsanlegget ikkje sett i verk innan tre år etter at løyve er gitt, eller vert arbeidet innstilt i lengre tid enn to år, fell retten til å etablere utleppet vekk, jf.

forureiningsforskrifta § 12-5 4.ledd og § 13-5 4.ledd. Om utslepp framleis er aktuelt må ny søknad sendast inn.

### **Kommunens tilsyn, endring og opphøyr av løyvet**

Kommunen er forureiningsstyresmakt og fører tilsyn med at føresegner, lovverk og vedtak fatta i tråd med forureiningsforskrifta kapittel 12 og 13 vert følgd. Forureiningsstyresmakta har rett og plikt til å utføra tilsyn med avlaupsanlegga. Tilsynet vil kunna omfatta kontroll av anlegg si yting/funksjon og kontroll av kvalitet på utført sørvis og vedlikehald. Eigar av anlegget må dekkja kostnader knytt til tilsyn og kontroll, jf. forureiningslova kap.7.

Om utsleppet fører til uventa forureiningsproblem, kan forureiningsstyresmakta oppheve eller endre vilkåra i utsleppsløyvet, setja nye vilkår og om naudsynt kalla tilbake løyvet i samsvar med forureiningslova § 18 og forureiningsforskrifta § 12-14 og § 13-17.

**Ved all vidare kontakt i denne saka, ver venleg og referer til saknr.: 23/797**

Med vennleg helsing  
Alver kommune

Eirik Berntsen  
Avdelingsleiar

Hogne Askeland  
Konsulent

*Dette dokumentet er elektronisk godkjent og har difor ingen signatur.*

### **Mottakarar:**

Ken Petter Skorge-Kristiansen	Møhlenprisbakke	5007	BERGEN
	n 2		
Lindås Vvs Nils Træland As	Litlås 3	5954	MONGSTAD